



Broj: 16-12-16-4490-11/23
Istočno Sarajevo, 14.06.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-4490/23 od 08.06.2023. godine, u postupku javne nabavke sportske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke sportske opreme za potrebe Državne agencije za istrage i zaštitu

Član 1.

U postupku javne nabavke sportske opreme za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-4490/23 od 08.06.2023. godine, dodjeljuje se ugovor ponuđaču „JACIMOVIĆ” d.o.o. Banja Luka, ponuda broj 16-12-16-4490-5/23 od 24.05.2023. godine za ponuđenu cijenu od 42.632,80 KM bez uračunatog PDV-a.

Član 2.

Ova odluka se dostavlja ponuđaču najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-4490-1/23 od 08.05.2023. godine pokrenut je postupak javne nabavke sportske opreme (80 pari patika za trčanje, 80 kompleta sportskih trenerki, 240 komada sportskih dresova i 80 komada sportskih šorceva), a za potrebe Agencije, u procijenjenoj vrijednosti 42.700,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-99-3-22/23 od 12.05.2023. godine, („Službeni glasnik BiH”, broj 35/23) od 19.05.2023. godine, ispravka za obavještenje o nabavci broj 1161-7-1-99-8-27/23 od 25.05.2023. godine i („Službeni glasnik BiH”, broj 40/23) od 02.06.2023. godine. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 29.05.2023. godine do 13:00 sati, te da je javno otvaranje ponuda predviđeno za 29.05.2023. godine u 14:00 sati, isto nije izvršeno navedenog datuma. Naime, Firma FCT d.o.o. Banja Luka, sa sjedištem u Banja Luci, ul. Petra Rađenovića br. 12. (u daljem tekstu: Žalitelj), putem punomoćnika Željka Višića, advokata iz Banja Luke, ulica Gundulićeva br. 52, podnijela je žalbu na Tendersku dokumentaciju u okviru konkurentskog zahtjeva za dostavu ponuda za javnu nabavku sportske opreme, broj 16-12-16-4490-2/23 od 11.05.2023. godine (u daljem tekstu: Tenderska dokumentacija), a za potrebe Agencije. Žalitelj ulaže žalbu na tačku 3.1.4. Tenderske dokumentacije, kojom je Agencija propisala da je ponuđač dužan dostaviti u sastavu ponude, original ili ovjerene kopije za uzorke kojim dokazuje tehničku i profesionalnu sposobnost. Prema mišljenju Žalitelja odredbama ZJN i podzakonskih akata nije propisana obaveza Agencije da dokumentaciju, koja se odnosi na tehničku i profesionalnu sposobnost, zahtijeva u originalu ili ovjerenoj kopiji. Žalitelj je mišljenja da je ovakvo postupanje Agencije u suprotnosti sa članom 44. stav (2) ZJN kojim je propisano da Agencija u Tenderskoj dokumentaciji definiše uslove za kvalifikaciju na način da utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti i člana 53. ZJN kojim je propisano da je Agencija dužana da pripremi Tendersku dokumentaciju u skladu sa odredbama ZJN i podzakonskih akata. Žalitelj navodi da naprijed navedeno potvrđuje i Rješenje Kancelarije za razmatranje žalbi broj JN2-03-07-1-301-8/22 od 24.02.2022. godine. Imajući u vidu navedeno Žalitelj predlaže da Agencija razmotri i uvaži žalbu, izmijeni Tendersku dokumentaciju broj 16-12-16-4490-2/23 od 11.05.2023. godine. Razmatrajući žalbu Agencija je utvrdila da je žalba Žalitelja blagovremena, dopuštena i izjavljena od ovlaštenog lica te utvrdila da je ista osnovana. Agencija je, Rješenjem broj 16-12-16-4490-6/23 od 25.05.2023. godine prihvatila žalbene navode Žalitelja koji se odnose na Tendersku dokumentaciju, tačku 3.1.4. Tehnička i profesionalna sposobnost, iz kojih razloga je izvršena izmjena Tenderske dokumentacije, o čemu su obaviješteni svi učesnici postupka putem portala e-Nabavke. Obzirom da je na osnovu žalbe došlo do izmjene Tenderske dokumentacije, u skladu sa članom 53. stav (6) ZJN, produžen je rok za podnošenje ponuda. Rok za prijem ponuda produžava se do 05.06.2023. godine, u 13:00 sati. Ponude se otvaraju u prostorijama Agencije, ul. Nikole Tesle br. 59, Istočno Sarajevo, dana 05.06.2023. godine, u 14:00 sati. Takođe ističimo, obzirom da je ponuđač „JACIMOVIĆ” d.o.o. Banja Luka dostavio ponudu za predmetni postupak nabavke, koja je zaprimljena na pisarnicu Agencije, broj 16-12-16-4490-5/23 od 24.05.2023. godine, a da je došlo do pomjerenja datuma javnog otvaranja ponuda iz naprijed navedenih razloga, imenovanom ponuđaču traženo je da se izjasni da li želi da ponuda ostane u Agenciji do javnog otvaranja ponuda ili da se ista neotvorena vrati. Agencija je zaprimila odgovor, u kojem imenovani ponuđač daje saglasnost da se ponuda zadrži u Agenciji.

S tim u vezi, Komisija je dana 05.06.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristigla jedna ponuda na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljena jedna ponuda i to:

R. br.	Broj protokola	Naziv ponuđača	Datum i sat prijema ponuda
1.	16-12-16-4490-5/23	„JACIMOVIĆ” d.o.o. Banja Luka	24.05.2023.g. u 09:40 h

R.br.	Naziv ponuđača	Ponuđena cijena u KM (bez PDV-a)
1.	„JACIMOVIĆ” d.o.o. Banja Luka	42.632,80 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Tačkom 3.1.4. Konkurentskog zahtjeva predviđeno je, uz ponudu, dostaviti uzorke sportske opreme i opise sa tehničkim karakteristikama u pogledu zahtjeva iz tehničkih specifikacija. S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-4490/23 od 06.06.2023. godine obratila Jedinici za specijalnu podršku Agencije (u daljem tekstu: JSP), tražeći uvid u dostavljenu ponudu, odnosno, u dostavljene uzorke sportske opreme i opise sa tehničkim karakteristikama u pogledu zahtjeva iz tehničkih specifikacija, te stručno mišljenje u pogledu ocjene tehničkih karakteristika ponuđene robe, odnosno, da li ponuđena sportska oprema odgovara traženim uslovima iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica JSP broj 16-09-16-4490/23 od 07.06.2023. godine, sa obrazloženjem da ponuda ponuđača „JACIMOVIĆ” d.o.o. Banja Luka zadovoljava tražene uslove postavljene Konkurentskim zahtjevom i da je ponuđena oprema kompatibilna sa postojećom opremom koju koristi JSP Agencije.

Uvidom u sadržaj dostavljene ponude, a cijeneći mišljenje stručnih lica JSP Agencije, Komisija je utvrdila da ponuđač „JACIMOVIĆ” d.o.o. Banja Luka ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđač ispunjava formalno-pravne uslove postavljene u Konkurentskom zahtjevu.

Konkurentskim zahtjevom za postupak javne nabavke sportske opreme za potrebe Agencije tačkom 8. (8.2.) predviđeno je provođenje e-aukcije. Imajući u vidu da je zaprimljena jedna ponuda, e-aukcija nije provođena, u skladu sa članom 3. stav (3) Pravilnika.

Nakon pregledanja dokumentacije priložene uz dostavljenu ponudu, Komisija je u skladu sa članom 65. stav (1) ZJN ocijenila ponudu kvalifikovanog ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjene ponude, kako slijedi:

R. br.	Naziv ponuđača	Vrijednost ponude (bez PDV-a)
1.	„JACIMOVIĆ” d.o.o. Banja Luka	42.632,80 KM

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača „JACIMOVIĆ” d.o.o. Banja Luka ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke sportske opreme za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor dodijeli ponuđaču „JACIMOVIĆ” d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Agencije. Na izjavljenu žalbu ponuđač je obavezan platiti naknadu u skladu sa članom 108. ZJN.

DOSTAVLJENO:

- Ponuđaču;
- Sektoru za mat.-fin. poslove;
- a/a.

